

Доҳа шаҳрида Мусулмон уламолари халқаро уюшмаси ташаббуси билан нуфузли анжуман ўтказилмоқда



11:21 / 11.05.2023 906

Шу йил 9-11 май кунлари Қатар давлати сафари мобайнида Ўзбекистон мусулмонлари идораси раиси ўринbosари Уйғун домла Ғафуров Мусулмон уламолари халқаро уюшмаси Бosh котиби шайх Али Мухъиддин Қорадоғий билан учрашди.

Доҳа шаҳрида жойлашган бosh қароргоҳдаги муроқотда шайх Қорадоғий ҳазратлари Ўзбекистон мусулмон уммати учун аҳамиятли экани, бу юрт Ислом равнақига бекиёс ҳисса қўшгани, айниқса, Ином Бухорий хизматларини барча мусулмон халқлари юксак эътироф этишини билдириди.

Бosh котиб жаноблари юртимиздаги ўзгаришларни қузатаётгани, хусусан Президентимизнинг халқаро минбарлардаги Ислом дини маърифатини кенг тарқатиш борасидаги ташаббусларидан мамнун эканини изҳор этди.

Учрашувда Уйғун домла Ўзбекистон мусулмонлари идораси, муфтий Нуриддин домла ҳазратларининг эзгу тилакларини Шайх Қорадоғийга етказиш баробарида диний соҳадаги ишлар ҳақида маълумот берди.

Шунингдек, икки ташкилот ўртасида меморандум имзолаш, юртимиз уламоларини уюшмага аъзо қилиш, диний соҳа ходимлари учун семинарлар ташкил қилиш, илмий ҳайъатлар тузиш ва муҳим мавзуларда анжуманлар ўтказиш каби масалалар ҳам кенг муҳокама қилинди.

Маълумот ўрнида, Мусулмон уламолари халқаро уюшмаси 2004 йилда 50 нафар уламо томонидан тузилган. Бош қароргоҳи Қатар пойтахти Доҳа шаҳрида жойлашган. Ташкилот мақсади – уламоларнинг жамиятдаги роли ва мавқеини ошириш, уммат олдидағи муаммоларни ҳал этиш юзасидан таклифлар ишлаб чиқишдан иборат.





الاتحاد العالمي لعلماء المسلمين

INTERNATIONAL UNION
FOR MUSLIM SCHOLARS